

ՀՅՈՒՍԻՍԱՅԻՆ ԱՄԵՐԻԿԱՅԻ ՄԻԱՅՅԱԼ ՆԱՀԱՆԳՆԵՐԻ  
ՀԱՅՈՑ ԱՌԱՋՆՈՐԴԱԿԱՆ ՎԻՃԱԿԻ  
ՀՈԳԵՎՈՐԱԿԱՆՈՒԹՅԱՆ ՏԱՐԵԿԱՆ ՀԱՄԱԳՈՒՄԱՐԸ

1964 թվականի ապրիլի 30-ին, հինգշաբթի, առավոտյան ժամը 10-ին, Սաութ Միլոտիի հայոց Ս. Հարություն եկեղեցում, բացվում է Հյուսիսային Ամերիկայի Միացյալ Նահանգների հայոց թեմի հոգևորականության տարեկան համագումարը:

Համագումարը բացվում է առաջնորդ գերաշնորհ Տ. Սիոն արքեպիսկոպոս Մանուկյանի աղոթքով:

Համագումարի առաջին նիստում կատարվում է դիվանի ընտրություն և կազմվում ժողովի օրակարգը:

Հատենի ժողովո, հոտնկայս, ընթերցվում է նորին Ս. Օծություն Տ. Տ. Վազգեն Ա Ամենայն Հայոց Վեհափառ Հայրապետի ապրիլ 8 թվակիր ողջույնի և օրհնության հետևյալ գիրը:

«Հայրական սիրով կողջունենք ձեր տարեկան համագումարը: Մեծ գոհունակությամբ և գնահատանքով ծանոթացանք ձեր ծրագրին և օրակարգին: Ի սրտե կմաղթենք, որ բոլորդ սուրբ հավատով առավել լուսավորված և առավել գոտեպնդված, ի գործ դնեք ձեր առաջադրանքները ի խնդիր Ամերիկայի հայ հավատացյալ ժողովուրդի հոգևոր կյանքի շինության և ի խնդիր աստվածահաճո հաջողություններով՝ Հայ եկեղեցիին ու ազգին ծառայելու ձեր նվիրական աշխատանքին մեջ:

Աղոթող ենք նաև, որ ձեր թեմակալ առաջնորդի կողմից բոլորդ մեկ սիրտ մեկ հոգի, եղբայրական սիրով, իրարու աջակից ու

լծակից, առավել շենցենք հայոց Ս. եկեղեցին և աճող նվիրական հովանիին ներքև, ամբողջ ու անխռով պահպանեք Մեր հավատացյալ զավակները, հատկապես նոր հասակ առնող հայ երիտասարդությունը, բոլորի մոխին ու սրտին մեջ վառ ու պայծառ պահելով մեր նախնյաց հավատքին լույսը, մեր մայրենի լեզուն և մեր ազգային հոգևոր մշակույթի մեծ ժառանգությունը:

Ս. էջմիածենեմ ձեզի բոլորիդ ողջունեմ և օրհնություն:

Սիրելիներ՝ և հարգալուրջ Մեր, «Հսկեցէ՛ք, հաստատուն կացէ՛ք ի հաւատս, ժրացարուք, գորացարուք: Ամենայն ինչ ձեր սիրով լինիցի» (Ա. Կորնթ. ԺԳ 13—14):

Համագումարի երկրորդ նիստում կարդացվում են զեկուցագրեր և դասախոսություններ:

Հոգեշնորհ Տ. Զավեն վարդապետ Արղունյանը դասախոսում է «Հայոց եկեղեցւոյ միասնականությունը» թեմայի շուրջ, իսկ արժանապատիվ Տ. Արտեն քահանա Աշէյանը՝ «Երևանի կազմակերպություններ» նյութի շուրջ:

Համագումարը ուրբաթ օր, մայիսի 1-ին, իր երրորդ նիստում, սպառում է օրակարգի բոլոր հարցերը, քննության առնելով թեմի ծխական, ծխական և հոգևոր կյանքի շինության վերաբերյալ խնդիրները:

Հոգևորականության համագումարի ժամանակ, առավոտյան և երեկոյան ժամերին, տեղի են ունենում եկեղեցական պաշտամունք և արարողություններ:

